

【新手選項故】《2020》(一個光復香港嘅故事)

作者: E1

Powered by [紙言](#)

【序】2020除夕倒數

[2019年12月31日 23:58]

「垃圾server，我都估到佢用唔L到㗎啦。」望住<http://www.hknycd.com>呢個網站reflash咗十幾廿次都係呢個畫面.....我放棄㗎。

2020香港除夕倒數大抽獎
由於人數眾多，請稍後再試。

等等，今年唔係2019年咩？點解會係2020除夕嘅.....算，反正都就嚟踏正12點囉，準備倒數好過，無謂喺度晒時間。

就喺手機啱啱好跳到去59分嘅時候，我收到一個message。擺出嚟望一望通知，又係HK Police嘅message，即刻袋返落褲袋，點解我block完都仲會收到呢d垃圾message㗎。我開頭仲以為係邊個on9手殘咁早send咗句“Happy New Year”，但係後來發現，唔單只係我，身邊每個人部手機都喺呢一刻不約而同咁響㗎。「喂！大家睇吓個message係咩意思？」

聽到有人咁講，我又擺返起部機睇吓佢send咗d乜乜嘢㗎。

[下午11:59]

「今晚，我哋將會為大家送上畢生難忘嘅煙火」

唔記得同大家講，我依家喺尖沙咀海旁。

「咩煙火啊，又話今年無煙花？」「唔係又想放tg吖？」「Popo成班高層全部去死啦！」估唔到，呢個願望只係喺短短唔夠一分鐘之內就實現㗎.....

淨返最後10秒「10！9！光！復！香！港！時！代！革！命！！！」

[2020年1月1日 00:00]

就喺大家啱啱嗌完個“命”字之後，對面岸就傳出巨響。

香港人，絕對唔會忘記呢一個改變佢哋一生嘅日子。2020，就喺對面岸嘅爆炸聲開始㗎。

【Ch 1】元旦的煙火

[2020年1月1日 00:01]

我足足呆咗成份鐘.....WTF?

喺香港竟然會發生咁大型嘅爆炸？又話香港係亞洲最安全城市？都係嘅，依家d警察淨係識得去憶點樣去打示威者，有邊個會去理呢d嘢吖。

驟眼望過去，爆炸嘅方向大概係灣仔到金鐘一帶，演藝學院附近，方圓100米都被炸為平地。喺入面嘅人，應該無一個可以行得返出嚟。

2020年香港嘅第一個夜晚，只有無盡嘅消防車同救護車聲，響徹半個港島。

[01:00 政府總部]

喺幾百米外嘅政府總部，林鄭即刻召開緊急會議。

「咩事啊，點解成個灣仔警察總部會俾人炸咗㗎！仲有，係邊個用警隊部電話send message俾全香港人㗎！」林鄭崩爆爆：「同我搵個警隊高層出嚟解釋！」

張建宗唯有出嚟做出氣袋：「其實.....當日留守警察總部嘅5000幾個警察，包括全部高層，都已經炸到死無全屍.....」

林鄭幾乎要拍爛張怡：「死晒？你同我講香港6分1嘅警察加埋班高層都死晒？邊度搵人同我壓制班暴徒啊！」

「冷靜少少先，你咁大力拍張怡，張怡會痛㗎！」又係不識時務嘅張建宗。

「一個二個無鬼用，全部同我get out！」會議室入面依家得返林鄭一個人。

其實，林鄭喺心入面暗自慶幸：「好在我尋晚無留低同班狗一齊倒數啫！唔係嘅話咪連我都會被炸死！」

「不過依家最大嘅問題，究竟係喺邊度搵咁多人做警察，警隊絕對唔可以群龍無首，無咗上頭嘅警察一定會大亂。」

【Ch 1】元旦的煙火(2)

好可惜，喺呢個世界上並無如果，香港永遠只有一個林鄭，而我哋亦都唔係林鄭。我哋並無選擇嘅權利，更何況，連林鄭自己都無得揀.....

[01:30 政府總部]

正當林鄭仲猶豫不決咁愴緊到底點樣搵咁多警察出嚟嘅時候.....「起來，不願做奴隶的人民~」當佢聽到呢個電話鈴聲，連電話號碼都唔洗睇，即刻急急腳咁摻「接聽」。佢非常明白：如果10秒內唔聽電話，佢將會被折磨到比死更難受。

「喂，习总.....啊不，习主席好，这么晚给我来电话是有什么事儿了。」

「我安插在你们警察总部那500多个卧底怎么都失联了，你他妈又干了什么事来。」

「大概一个小时前有黄尸暴徒把总部给炸了，还没有查出是谁干的，我这里完全不够警察。」

「看来还是得出动解放军了。」

「万万不可！解放军一旦出动了，香港人肯定会跟他们开战的。」

「现在你做决定还是我，作反了是吗。帮你解决问题还说不要，你是不想看到今天的太阳吗。」

「对不起习主席，我错了，习主席永远是对的，就决定派出解放军吧。」

「很好，我已经联系了驻守香港的解放军了，明天一早你宣布之后我那些同胞就会出来了。我的目标是今年香港能回归国家的拥抱，真真正正的「回归」，不要那些什么狗屁「基本法」、「一国两制」，别再耍花样，又搞出麻烦来。」

「是的，习.....」未等佢講完已經收咗線。

[6:00 香港早晨]

「各位早晨，今日係1月1號元旦，歡迎收睇香港早晨，睇吓今朝嘅新聞提要。

無線電視台被內地中央電視台收購，並決定改名中國中央電視廣播有限公司

凌晨灣仔警察總部發生嚴重爆炸，5000多個駐守警員及高層無一生還

爆炸後灣仔警署外聚集了數千市民，並高呼「黑警死全家」

林鄭發佈記者會，交代凌晨爆炸事件」

「好啦我哋依家喺政府總部現場，直播林鄭舉行嘅記者會。」

林鄭：「相信各位市民已經係不同嘅渠道得知尋晚發生嘅事，我哋對呢件事係表示高度嘅關注。」

尋晚凌晨12時正，灣仔警察總部發生嚴重爆炸，3棟大樓全部都被炸毀。駐守喺入面嘅5000幾位警員同高層，仲有喺附近嘅途人全部當場証實死亡。

5000幾位警務人員，仲有少量無辜嘅路人喪生，亦代表住拆散咗5000幾個家庭。呢d家庭主要係靠佢哋維生，係最主要同最穩定嘅收入來源。我哋將會續一深切慰問遇難者家屬，並會發放大筆慰問金俾有需要嘅家屬。

爆炸嘅原因仲有待作進一步調查，但相信咁大規模嘅爆炸絕對唔係一場事故，我哋已經將是次事故介定為恐怖襲擊。我哋強烈譴責暴徒做出不受人類社會所認同嘅行為，並要求暴徒立即停止呢d暴力同恐怖嘅行為，破壞香港一直以嚟繁榮安定嘅社會。

由於大量警隊高層嘅身亡，我哋一時半刻搵唔到適合同大量嘅警務人員。在此我宣布動用「緊急法」：

1.
香港各分區嘅警署將會交由中國駐香港解放軍管理，直至搵到適當嘅人選。所有警務人員必須遵循解放軍嘅指示，職權等同於警務署署長。

2.
由於灣仔警察總部被炸毀，新總部將會設置於中國駐香港解放軍中環軍營。但由於該處屬中國政府管治範圍，香港市民不得進入中環軍營嘅警察總部，如需報案請到其他分區警署。

以上所有措施將會喺1月2日00:00生效。」

「交返俾新聞部。」

「新聞報導完畢，再會。」

【Ch 1】元旦的煙火(3)

【Ch 1】元旦的煙火(3)

[06:30 連登]

「震驚！林鄭真係玩到派解放軍！」

「[神秘台]點解警總會無啦啦爆炸？」

「到底凌晨嘅爆炸係上天賜俾香港人嘅禮物定係災難？」

「五大訴求，缺一不可！強烈譴責林鄭違反基本法，亂咁用緊急法！」

「.....」

而我，只係輕輕搵咗入呢個post。

「[急推][行動]今晚圍堵政總同軍營」

「#1 唔該同我將呢個post推上熱門

尋晚狗總俾人炸咗，條林莫寧願搵習大大派解放軍都唔揀重組警隊

所以，今晚8點，全世界人同我出晒嚟，圍堵政總同中環軍營

8點前到嘅全部入咗添馬公園先，班解放軍要12點先可以行出嚟，所以首先要包圍政府總部，要求林莫解釋同撤回決定

塞爆咗添馬之後再一路包圍埋隔離嘅軍營，逐漸擴大佔領區，阻止解放軍出嚟

再唔出嚟就無機會㗎啦，解放軍一出就會變軍閥統治㗎啦，唔理你係藍定黃定綠都好，今晚我都要見到你

五大訴求，缺一不可

香港人，反抗！」

[07:00 中大宿舍]

「嘉楠，咁我哋.....」

我叫嘉楠，女，今年21，自問樣貌唔錯，讀緊中大Year

3，三圍.....癡線，做咩要話俾你聽。人如其姓，我確確實實係一個深黃分子。同我講緊嘢嘅係我同

房嘅好姊妹栩蕙，不過我鐘意叫佢「蕙」多d，佢同我一樣深黃一個。

「估唔到，林鄭最終都係出動咗解放軍。」

講就話想林鄭出解放軍啫，實際上有邊個人會想咩。出動解放軍，香港基本上已經玩完，只會走向一個無法挽回嘅結局。

過去呢半年，問題唔單止無少到，反而仲越嚟越多。炸咗警察總部，係咪真係可以解決到問題？我唔知，我只係見到依家又多咗一個問題。基本法，好似已經唔存在咁。

定係，根本從來都唔存在基本法？呢份所謂嘅「憲制性文件」唔通一直只係用嚟呢香港人，同令外國收聲？

「咁今晚我哋去唔去……」

【Ch 1】元旦的煙火(4)

轉眼間，我已經嚟到中環軍營附近。

「注意，当闸门完全打开后，还在视线范围里的人格杀勿论。再重复一次，当.....」

「解放軍闖返入去啦！」「香港唔歡迎你哋啊！」「上返北京啦！」我身邊嘅人不斷大嗌。

凌晨12點正，中環軍營嘅大閘緩緩咁打開。

有幾個義士即刻衝咗去閘口前面，試圖一窺有d咩係入面。只見佢哋開頭係懷住必死嘅決心衝到去只係開咗少少嘅大閘，立即轉變為驚惶失措嘅樣，正想轉身嘅佢哋隨即後腦落地。

唔記得講，仲附送咗一下槍聲同身上面嘅血洞。

「吖！！！解放軍殺人啦！走啊！」少部份比較細膽嘅即刻拔腿就跑。

「我哋就算係死都唔走㗎啦，最多咪一齊死！」隨即將手上嘅磚頭同汽油彈掙入去。

終於，閘門完全打開，而我哋亦都終於知道點解義士會有咁驚慌嘅死相。見到呢樣嘢，大家心入面只會憶到2個數字 - 6 · 4！

「係坦克車啊！！！！！」今次有接近一半嘅人都開始走人，較接近閘口嘅手足繼續掙所餘無幾嘅磚頭同燃燒彈，希望為身後嘅人爭取更多時間。

無奈地，坦克車完全無視呢d所謂嘅「攻擊」。而企喺呢班前線自然成為第一批變成血水嘅人。

我就一路沿住海邊跑，唔敢望返轉頭，但始終又制止唔到我嘅好奇心而望咗去後面：解放軍已經擺住槍行咗出嚟，見人就殺。數不盡嘅槍聲喺我耳邊傳入，地下除咗血，就只有一具又一具嘅屍體。

同尋晚比較，今晚先叫做「災難」。

一個不留神，我俾前面嘅屍體kick親，成個人扒咗喺地下。身後嘅解放軍已經追咗上嚟，企咗喺我面前。自知自己嘅命運如何，我放棄咗無謂嘅掙扎。

「嘉楠！嘉楠！」好似係蕙佢叫我。「走啊！你快d走啊！我已經無機會再走啦。」我合理雙眼，但依然聽到佢喺遠處不斷嗌我個名。冷冰冰嘅槍管已經指住我嘅額頭，我準備好接受嗰一下巨響。

「砰！」我嘅一生咁就完咗.....

【Ch 1】元旦的煙火(5)

「嘉楠！嘉楠！！嘉楠！！！」我仲未死？

「仲瞓！已經8點半啦！」啱啱只係發夢？

「8點半啫，咁早叫醒我做咩。我尋晚無咩點瞓，食lunch先叫我啦。」我咁樣答佢。

[20:35 中大宿舍]

「仲lunch？瞓瞓咗啊你！宵夜都嚟緊啦！依家已經係夜晚8點半啊！你又真係幾好瞓，你問題都未答我就無啦啦恰著咗，見你咁劫先唔叫聲你。點知一瞓就瞓咗成日，一直叫你又唔醒，仲以為你死鬼咗啊！」係啊，我啱啱喺夢入面先死過一次。

「吓！已經係夜晚喇！咁.....依家出發都唔算遲嘅.....我依家即刻去換衫！」我都唔係太好意思搞到佢同我一齊遲到，立即彈返起身，用咗10分鐘左右就即刻趕住走。

迫於無奈下，我哋唯有搭黨鐵去中環。除咗中大同中環嘅距離差距.....「甚遠」之外，呢個時間去睇怕港島都已經封晒路，三隧都應該塞死晒。黨鐵，係我哋唯一嘅選擇。

[22:30 金鐘站]

「下一站金鐘，乘客可以轉乘.....」

「到啦！瞓咗成日依家都仲可以瞓嘅，真係好嘢。」我已經習慣咗佢咁樣同我講嘢，但係我都唔知點解今日咁鬼劫。

帶住無力嘅身軀行出A出口，見到一早就到咗嘅手足已經佔領咗夏慤道，方便人行去對面。不過，最令人在意嘅係.....

「點解今日一架狗車、一隻popo都無嘅？」

「可能.....因為總部俾人炸咗，無人指揮掛。定係.....班popo驚下一個被人炸死嘅係自己，所以無人敢嚟？」我個人就覺得後者嘅機會大d，講就話佢哋有高薪啫，但當用自己條狗命同d錢比較，我相信錢係完全唔重要。

講吓講吓，我哋已經順利嚟到中環軍營附近。

「我去買d嘢俾你食？你好似成日都無嘢落過肚。」雖然佢成日都串我，但我知佢其實係非常關心我，唔係嘅話又點會同佢做好姊妹呢？

[23:45 中環軍營外]

等佢買完嘢加我食完再去埋個廁所之後，已經差唔多去到我哋同解放軍「決戰」嘅時候。

「注意，当闸门完全打开后，还在视线范围里的人格杀勿论。再重复一次，当.....」點解.....呢個廣

播好似有d似曾相識嘅？

「解放軍闖返入去啦！」「香港唔歡迎你哋啊！」「上返北京啦！」點解.....我好似聽過呢d對白嘅？

我又憶返起啱啱嘅「惡夢」。

我就一路沿住海邊跑，唔敢望返轉頭，但始終又制止唔到我嘅好奇心而望咗去後面：解放軍已經擺住槍行咗出嚟，見人就殺。數不盡嘅槍聲喺我耳邊傳入，地下除咗血，就只有一具又一具嘅屍體。

一個不留神，我俾前面嘅屍體kick親，成個人扒咗喺地下。身後嘅解放軍已經追咗上嚟，企咗喺我面前。自知自己嘅命運如何，我放棄咗無謂嘅掙扎。

「嘉楠！嘉楠！」係蕙。「走啊！你快d走啊！我已經無機會再走啦。」我合理雙眼，但依然聽到佢喺遠處不斷嗌我個名。冷冰冰嘅槍管已經指住我嘅額頭，我準備好接受嗰一下巨響。

「砰！」我又要死多次？

我突然由夢境返咗去現實，又係蕙，不過今次佢係直接打醒我：「痛！痛啊！我醒咗啦！下次可唔可以溫柔少少啊！」

「你係咪想瞓到2046啊！睇你個樣係咪又憶緊d咩啊？」

時間無多，再過多幾分鐘就12點正啦！我應該點樣回應蕙.....

【Ch 1】元旦的煙火(6)

[23:52]

無辦法，夢境實在係太過真實，真實到我都好難相信係假嘅。為咗唔令咁多位手足就咁死咗，我決定同全部人講自己嘅夢境：

「咁多位手足聽我講！我尋晚發咗個夢，見到陣間12點班解放軍真係會衝出嚟，見人就殺，仲準備埋坦克車添啊！快d走啊！」

「你係咪搞笑啊，發夢嘅嘢你都信？又唔見你夢到林鄭聽日全家X街死L晒。」「你個死偽黃，走開啦！」「咪就係！唔係嚟幫手就唔好留嚟度啦！」「我哋就算係死都唔走㗎啦！」

我望住蕙，期望同我經歷過咁多嘢嘅佢會相信我，可惜都係愆多咗：「嘉楠，我都好難信你喎，話哂呢度有咁多外國記者，佢哋邊敢嚟度殺人啊！你真係想走都唔洗搵個咁嘅理由啊！」

「唔係啊！我真係唔想大家一整死嚟度啊，信我啦好唔好？」我真係.....真係唔希望嚟現實中發生。

解釋再多，畀人哋嘅耳中都只會係掩飾。結果包括埋蕙在內，無一個人願意相信我。我都估到講都無人信㗎啦，咁荒謬嘅嘢有邊個會信㗎。

既然連蕙都唔信我，我唯有自己一個人走。

[11:58]

我行到去會展附近，覺得應該會比較安全。但係我又唔係好忍心掙低蕙，我決定打電話俾佢。當然，我絕對唔希望夢境會成真，我怕今次係我望住佢死。

「我唔迫你走啦，總之陣間12點你見到佢哋開閘就要即刻跑，佢哋真係會殺人㗎！」

「你.....咩話，我.....人多.....唔好啊。我唔明.....要驚到咁，中大.....戰你都無咁.....」終於，信號差到自己收咗線，我再打俾佢都已經打唔通。

[1月2日 12:00]

我喺遠處望到中環軍營嘅大閘緩緩咁打開，我不斷大叫：「走啊！快d走啊！」但係佢哋完全聽唔到。

依照「劇本」，會有幾個義士即刻衝咗去閘口前面，試圖一窺有d咩嚟入面。佢哋開頭會懷住必死嘅決心衝到去只係開咗少少嘅大閘，之後立即轉變為驚惶失措嘅樣，正想轉身嘅佢哋隨即後腦落地。

結果，現實同夢境係一模一樣。換句話嚟講.....夢境成真。

「吖！！解放軍殺人啦！走啊！」少部份比較細膽嘅即刻拔腿就跑。

「我哋就算係死都唔走㗎啦，最多咪一齊死！」隨即將手上嘅磚頭同汽油彈掙入去。

終於，閘門完全打開，而佢哋亦都終於知道點解義士會有咁驚慌嘅死相。見到呢樣嘢，大家心入面只會憶到2個數字 - 6·4！

「係坦克車啊！！！！」今次有接近一半嘅人都開始走人，較接近閘口嘅手足繼續掙所餘無幾嘅磚頭同燃燒彈，希望為身後嘅人爭取更多時間。

去到呢一刻，d對白依然係一模一樣。

我憶返起蕙嘅處境，連自己嘅安危都唔理，即刻衝返去蕙嘅所在地救佢。

終於見到蕙，佢亦向住我嘅方向逃走。但係佢一個唔留神，俾佢眼前嘅屍體kick親，成個人扒咗喺地下。我正想走過去扶佢起身，但佢身後嘅解放軍已經追咗上嚟，企咗喺佢面前。

「蕙！蕙啊！」「走啊！你快d走啊！我已經無機會再走啦。」佢合埋雙眼，而冷冰冰嘅槍管已經指住咗佢嘅額頭。

「劇本」並無改變，分別在於今次換咗主角。

「砰！」我唔想面對佢，見到後腦多咗個血洞嘅佢。我更加面對唔到自己，係我親手害死佢。

我呢一刻非常後悔.....如果我無叫佢嚟，如果我啱啱夾硬拉埋佢走，如果我無自己一個人走咗去.....佢就唔會死，唔會俾我害死。

可惜，呢個世界並無如果。

。。。。。

「總算.....叫做救到佢。」

「要走啦，再唔走就會俾佢見到我哋㗎啦。」

【Ch 1】元旦的煙火(7)

[00:30 灣仔站]

最終，我安然無恙咁跑咗入黨鐵站。

今晚我唔想返去宿舍，我怕見到佢嘅嘢又會勾起我同佢之間嘅美好回憶。於是我唯有打電話俾老豆，希望「佢」唔喺度啦.....

「女，你今晚會返嚟都唔早d同我講聲先。好在你啊媽早幾日坐咗遊輪出去玩，呢個星期都唔會返嚟啦，你就放心返嚟啦。」

我並無答佢就收咗線。

一路搭車，一路又憶返起頭先嘅事，結果我成程車一直匿埋喺角落抽泣。

「下一站旺角，下一站旺角，next station Mong Kok」

出咗黨鐵站行咗10幾分鐘之後，終於到我嘅目的地。望到呢個熟悉又陌生嘅門鐘，我鼓起勇氣咁搵咗落去：「叮噹~~」

門開咗，出嚟迎接我嘅係我老豆。

「女，你啱啱係咪去完中環嚟？咁早散嘅？你無整親咩嘛？」

「我無事。」身體無事，有事嘅只係心靈。

「你間房我啱啱幫你掃咗一次㗎啦，你都差唔多半年都無返過嚟，間房已經鋪晒塵。」

「唔該老豆。」原來.....已經咁耐㗎啦。

「肚唔肚餓啊，我啱啱煮多咗個麵，你食唔食？」

「我依家無咩胃口食嘢。」啱啱經歷完咁多嘢，仲邊食得落嘢咩。

「。。。。。」於是大家沉默咗幾秒。

「我覺得有d劫，我都係返房馴覺先啦，有d咩聽朝先講啦。」之後我就轉身入咗房。

明明成身都好劫，但係攤咗喺張床成個鐘都仲係馴唔着，仲望緊白色嘅天花板發呆。百無聊賴之下，我坐咗喺窗邊，望住依然人來人往嘅旺角。

房門喺無聲無息間打開咗：「女，你仲未馴嘅？」老豆問我。

「我.....馴唔着。」

「由你入門口我就已經睇得出你好唔開心啦，有咩咪同我講囉！兩父女有咩唔講得啊！定係你又憶緊你啊媽當日.....」

「唔關佢事，只係.....」

跟住，我同我老豆一五一十咁講返呢一兩日發生過嘅事。由元旦嘅爆炸，跟住到我嘅夢境，最後講到我點樣睇住我嘅好姊妹喺我面前死.....

「.....最終，我只可以眼白白咁睇住佢死喺我面前。」

我都唔知點解我會同老豆講，可能我依家真係好需要人安慰我。

「即係你覺得係你害死你個好姊妹同班手足？」佢問。

我臉帶淚水咁點頭。

「你咁憶咪錯囉，你都無憶過會發生呢件事㗎嘛。夢境呢d嘢真係好難令人相信㗎嘛，點知佢係真預言定只係自己幻想出嚟㗎。更何況，你都有嘗試過阻止呢件事發生，只係無人相信你。天意嘅嘢，唔係我哋凡人可以改變到。」

「你講嘅每一個說話、做出嘅每一個行動，都未必可以得到你想要嘅結果。」

「就算結果未如理想，但至少你勇於改變，有好多人連第一步嘅嘗試都唔敢踏出，寧願聽天由命，就算真係有機會改變都就咁樣白白流失㗎。」

聽到呢度，我終於安心晒。

「好啦好啦，要馴啦，再唔馴就唔靚女㗎啦！馴覺記得冚被，呢幾日朝早都有d凍，因住冷親呀！」

「嗯。」我講完就漸入夢境。

【Ch 1】元旦的煙火(8) #前傳1 831那天(上)#

「鈴鈴鈴鈴~~」

[2019年8月31日 11:31 旺角家中]

「好在尋晚較咗鬧鐘啫，唔係嘅話應該又瞓到唔知幾點醒。」

咁重要嘅日子，我點可以遲到。

五年前嘅今日，2014年8月31日，人大常委會通過咗「831框架」，代表香港嘅「小圈子選舉」依然會繼續落去，「普選」正式落閘。

無論市民提出咗幾多次嘅反對，無論市民交咗幾多次form表達意見。

但，政府依然當見唔到佢唔想見到嘅畫面，當自己聽唔到佢唔想聽到嘅聲音。

大家漸漸明白到，原來得個講字，政府係唔會理你㗎。

同年9月28日。佔領中環，正式啟動。

但結束.....好似都嚟得幾快。

12月11日，警方清場。

近80日嘅抗爭，政府依然無動於衷，咁多日以嚟所爭取嘅嘢都係無一樣回應過。更加令香港人明白到：

連和平示威集會都無回應訴求，唯有用較激進的行動嚟迫使政府回應。

We will be back

2019年6月，政府強推「逃犯條例」，再一次觸動香港人嘅底線。香港人係時候返嚟。

We are back

我.....已經準備好。

[11:45 女主房間]

「黑衫、黑褲、口罩、水樽齊晒，走得。」唔知幾時開始，我間房越嚟越多黑色嘅嘢：本身成間房只係得平時用開嘅無良印品.....Sor係無印良品嘅黑色原子筆，依家幾乎係望去邊都總有一件全黑嘅嘢。究竟我係幾時開始鐘意黑色嘅呢？

唔好慳埋d無謂嘢，同蕙約好咗12點半喺尖沙咀食埋嘢再坐船過海。

「卡拉卡拉。」房門開唔到嘅？個鎖呢個時候先嚟壞咗？唔係啊嘛？

我試吓用力撞開度門，但依然「屹立不倒」，早知就買cheap d嘅門啦。

「老豆，你喺唔喺度啊，我個門鎖壞咗，出唔到嚟啊。」我嘗試搵老豆求救。

過咗1分鐘.....2分鐘，依然無人理我，睇怕老豆9成係出咗街，試吓打俾佢先。

「你所打嘅電話暫時未能接通，請遲d再打過嚟吖.....」點解總係喺d緊急關頭先嚟唔聽電話㗎。

搞咗咁耐，時間已經嚟到12:45，到底要點樣離開間房？

【Ch 1】元旦的煙火(9) #前傳1 831那天(中)#

[12:45]

我唔識好似John Wick咁爆門。既然門口走唔到，咁咪試下用窗口走囉。

不過，我似乎憶得太簡單。

先唔講點樣拆個窗花落嚟，淨係由10幾層樓高望落去地下都已經嚇到我心離一離。

一日最衰都係tvb d垃圾電視劇教壞晒人，咩踩住部冷氣機慢慢跳落去，連埋部冷氣機一齊say goodbye就真。就算俾我跌落去大難不死，我嘅下半身同下半生都無啦。

好在，某日俾我見到屋企部電視播CCTVB嘅時候，我撈到打爛咗部電視，自此新買嘅電視機再無8字頭嘅台，以後起碼唔會再接收到一大堆垃圾不良資訊。

「迷霧裡 最遠處吹來 號！角！聲！
捍自由，來齊集這裡，來全力抗對。勇氣、智慧也永不滅~~~」唔通係老豆打俾我？

「喂你搞咩啊？又話搭半尖沙咀等？我中大過嚟都快過你嘅？你死咗去邊啊？就算你旺角行過嚟都係半個鐘左右啫。」我居然唔記得咗打俾蕙解釋添。

「施主救命啊~我房門個鎖壞咗，依家出唔到嚟啊。」

「去Whatsapp開視像，睇吓你間房有d咩可以打救到你。」估唔到可以打救我嘅人係佢。

「OK！首先睇吓你個鎖點壞法先。」我將部手機對住個鎖頭，示範下點樣開唔到度門。

經過一大輪嘅檢查，佢似乎得到咗結論。

「蕙？做咩唔出聲？我點樣先可以出得返去？」

「.....同你講個事實先，你個鎖.....應該係俾人由外面打爛咗。」

「又係佢？」

「你講緊邊個「佢」？」

「無嘢，你繼續，我點先走到啊~」

「搵下有無.....」如是者，搞咗一大輪，終於成功將成個鎖拆咗出嚟。

「Yes！走得！」我滿心歡喜咁再一次推開度門。

「唔??點解都係打唔開嘅?」